



18. april 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Naalakkersuisut qanoq iliorlutik qulakkeerniarpaat Pituffimmi innuttaasut inatsisitigut piumasaqaataasoq naapertorlugu sunngiffimmi atuartinneqartalernissaat?

(Inatsisartunut ilaasortaq Jørgen-Ole Nyboe Nielsen, Demokraatit)

Tunngavilersuut: Pituffimmi innuttaasut inatsisitigut piumasaqaataagaluartutut 2010-mi sunngiffimmi atuartinneqarneq ajorput. Inatsisit atuuttut isumaqatigiissutillu atuuttut naapertorlugit, isumaqarpunga, Naalakkersuisut akisussaasutut periarfissaqartittariaqaraluaaraat, Pituffimmi innuttaasut inatsisitigut qulakkiigaasoq naapertorlugu sunngiffimmi atuartinneqartarnissaat.

Pituffimmi Borgerrådip 2007-mi Naalakkersuisuusut isumaqatigiissuteqarfigai, Borgerrådip, Borgerrådit pillugit Inatsisartut Inatsisaat naapertorlugu, Pituffimmi Kulturimut Sunngiffimmilu tunngasunut aalajangiisarnissaa periarfissaqalersillugu. Suliart pineqartut suliarisarnissaannut Borgerrådi ukioq taanna tunineqarpoq 200.000 koruuninik.

Borgerrådi 2008-mi aamma 2009 –mi aningaasaliiffigineqarpoq 200.000 koruuninik, aningaasanut inatsimmi ”Sunngiffimmi sammisasaqartitsineq kommunip agguarneqarfiisa avataanni” aqqutigalugu aningaasaliiffigineqarpoq sulianik pineqartunik suliaqartarnissaanut.

2010-mi aningaasat taakku 206.000 koruuninut qaffanneqarput.

2011-mi Aningaasanut Inatsimmi ”Sunngiffimmi sammisasaqartitsineq kommunip agguarneqarfiisa avataanni” aningaasaliisutit tammarpuit.

Taamaattumik Borgerrådip suliassaq Naalakkersuisunut utertippaa. Tamanna pivoq allakkat 2. januar 2011-mi ullulernerqarnikuusut aqqutigalugit.

Pituffimmi sunngiffimmi atuartitsinermit aqutsiup taamanili Naalakkersuisut qinnuteqarfigisarlualarpai Pituffimmi sunngiffimmi atuartitsisarneq qulakkeeqqullugu, itigartinneqartuarporli inner-suussutigineqarluni, tamanna Borgerrådip akisussaaffingaa, naak Borgerrådip aalajangiusimaluaraa, suliaq Naalakkersuisunut uterteqqinneqarnikuusoq.

Qinnutigissavara akineqassallunga ullut naliginnaasumik suliffiusut qulit iluanni.